



Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry for Education

Broj: 01-03/02-04-5869-70/24  
Sarajevo, 20. 03. 2024. godine

**SKUPŠTINA KANTONA SARAJEVO**  
n/r Okerić Elvedina, predsjedavajućeg Skupštine Kantona Sarajevo

**PREDMET: Odgovor na zastupničku inicijativu. dostavlja se**

*Cijenjeni,*

**Zastupnica** u Skupštini Kantona Sarajevo **Danijela Kristić** je u okviru 14. Radne sjednice Skupštine Kantona Sarajevo, održane dana 26. 02. 2024. godine, u okviru tačke Dnevnog reda „Poslanička/zastupnička pitanja, inicijative i odgovori“, a u skladu sa članom 213. stav (1) Poslovnika Skupštine Kantona Sarajevo („Službene novine Kantona Sarajevo“ - Drugi novi prečišćeni tekst – broj: 41/12, 15/13, 47/13, 47/15, 48/16, 9/20, 14/20, 16/22 i 17/22-Ispravka) upitula zastupničku inicijativu:

*„ Podnosim inicijativu da se psihijatri uključe u multisektorske sastanke u školama. Obrazloženje: Od trenutka kada školski psiholog kod učenika utvrdi da postoji neko od oblika neprihvatljivog ponašanja, učenik biva od strane psihologa, a uz saglasnost roditelja upućen psihijatru. No međutim, prema informacijama koje posjedujem postoji evidentan problem kada je riječ o zakazivanju termina kod psihijatra za učenike kod kojih je stanovljen neki od oblika neprihvatljivog ponašanja. Stoga smatram da bi uključivanje psihijataru u multisektorske sastanke u školama značajno doprinijelo efikasnoj detekciji problema i rješavanju istog“.*

**Odgovor:**

Koristimo priliku upoznati Vas sa sljedećim:  
Ministarstvo za odgoj i obrazovanje je donijelo dva vrlo važna pravilnika kojim se propisuje oblast sigurnosti, zaštite i dobrobiti učenika, to su Pravilnik o vođenju evidencije o neprihvatljivim oblicima ponašanja i zaštiti učenika („Službene novine Kantona Sarajevo“ br. 29/19 i 38/22) i Pravilnik o načinu i obliku provođenja odgojno-obrazovne podrške i stručnog tretmana („Službene novine Kantona Sarajevo“ br. 29/19 i 38/22).

Član 15. stav (1) Pravilnika o načinu i obliku provođenja odgojno-obrazovne podrške i stručnog tretmana („Službene novine Kantona Sarajevo“ broj: 29/19 i 38/22) propisuje:

„ Ukoliko IPP (Individualni plan podrške) iz člana 14. ovog Pravilnika ne daje očekivane rezultate i/ili ako se desio iznenadni događaj u školi ili izvan nje, a za koji postoji saznanje da može ugroziti najbolji interes učenika (npr. nasilje u školi, izvan škole, zanemarivanje i sl.) stručna služba škole u što kraćem roku organizuje multisektorski sastanak kojem u isto vrijeme prisustvuju: roditelji svih uključenih učenika, stručna služba škole, direktor škole, predstavnici nadležne službe za socijalni rad, predstavnici nadležnog centra za mentalno zdravlje, predstavnik nadležne policijske uprave i druge






osobe ili predstavnici institucija po procjeni stručne službe škole. Poziv za sastanak se dostavlja isključivo pismenim putem”. Dakle, citirani član ostavlja mogućnost školama da angažuju profesionalce ili institucije, prema procjeni stručne službe škole, a čije je prisustvo usmjereno na ostvarenje najboljeg interesa učenika.


U toku mjeseca maja 2023. godine nakon nemilih događaja u susjedstvu i Bosni i Hercegovini, Ministarstvo je školama dostavilo instrukciju, da u slučaju iznenadnih, hitnih situacija u kojim učenici prijete da će ugroziti svoj ili tuđi život stručna služba škole, roditeljima učenika preporučiti pregled na Kliničkom centru Univerziteta u Sarajevu Odjeljenje za dječiju i adolescentnu psihijatriju, kako bi se u hitnim situacijama osigurao najbolji interes djeteta ali i cijele školske zajednice.

U avgustu 2023. godine na prijedlog Ministarstva Vlada Kantona Sarajevo je donijela Smjernice/sheme komunikacije multisektorskog postupanja u iznenadnim, kriznim događajima u odgojno-obrazovnim ustanovama u Kantonu Sarajevo. Sheme komunikacije su važne za efikasno postupanje u iznenadnim, kriznim događajima, iste osiguravaju brz i jasan protok komunikacije svih relevantnih strana.

Dostavljamo Vam multisektorsku shemu komunikacije, kao i postupanje policije i pravosudnih organa, službi socijalne zaštite i zdravstvene zaštite u slučaju kriznih događaja u odgojno-obrazovnim ustanovama.







**LEGENDA**

PONTAKTI: SOCIJALNI RADNIK NADLEŽNA SLUŽBA CENTRA ZA MENTALNO ZDRAVLJE U SASTAVU JU DOM ZDRAVLJA KS

- 1. CMZ Centar - 033 292 579
- 2. CMZ Novo Sarajevo - 033 724 736
- 3. CMZ Vogošća - 033 278 737
- 4. CMZ Novi grad - 033 404 820
- 5. CMZ Star. grad - 033 537 738
- 6. CMZ Hadžići - 033 580 371
- 7. CMZ Ilijaš - 033 584 327

S poštovanjem.

  
**MINISTRICA**  
***Naida Hota-Muminović***

Dostaviti:

- 1. Naslovu
- 2. A/a

